

乾隆大藏經



解序堂藏題





龍

藏

此土著述

普爲出資及讀誦受持
輾轉流通者回向偈曰
願此功德 回向有情
消除業障 增崇福祉
家門清吉 身心安寧
生入聖域 沒往西方
先亡祖妣 歷劫怨親
俱蒙佛慈 獲本妙心
兵戈永息 禮讓興行
人民安樂 世界和平
四恩總報 三有齊資
法界眾生 同證菩提

This book is for free distribution. It is not for sale. Printed in Taiwan.

公元二〇〇七年八月出版 恭印貳仟套

乾隆大藏經

景印重編
句讀版本

倡印者：淨空法師

印贈者：香港佛陀教育協會

出版者：財團法人桃園縣至善教育事務基金會

地址：桃園縣中壢市過嶺里16之38號

電話：(〇三) 四二〇—七八〇九

傳真：(〇三) 四二〇—七八一三

淨空法師
影音網址
<http://www.budaedu.org.hk>
<http://www.amtb-aus.org>
<http://www.chinkung.org>

E-mail: amtbhk1@budaedu.org.hk

purelandcollege@inet.net.au

承印者：世樺國際股份有限公司 (〇二) 二二四六九九二八

ISBN 978-986-83622-0-8

御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

第一〇二冊目次

諸宗部此土著述

一五八六首楞嚴經義海三十卷	宋仁岳集解	一	四七七
首楞嚴經義海總序		一	七
一五八七傳法正宗記九卷	宋契嵩編	四七八	六五三
傳法正宗定祖圖序	宋契嵩撰	六三七	六三八
傳法正宗記定祖圖		六三九	六五三
一五八八傳法正宗論二卷	宋契嵩著	六五四	六八三
一五八九萬善同歸集六卷	宋延壽述	六八四	七八九
妙圓正脩智覺永明壽禪師萬善同歸集序		六八四	六八六
一五九〇智覺禪師定慧相資歌一卷	智覺述	七九〇	七九一
一五九一警世一卷	失譯	七九二	七九三
一五九二永明心賦註四卷	宋延壽述	七九四	八九六
一五九三密咒圓因往生集一卷	夏智廣等集	八九七	九二二
密咒圓因往生集序			八九七
密咒圓因往生集目錄			八九八

首楞嚴經義海總序

州一

大佛頂首楞嚴經。是諸佛之法印。群生之心宗。得此印者。成正覺於十方。迷此心者。淪生死於塵劫。是以釋迦如來。獨佩此最上乘之法印。而出現於世。全提直指。曲折開遮。五十年間。普印群生心。地末後。再垂洪範。重起真慈。故以阿難示遭魔燒。而啓發宣明。遂有首楞嚴王。無見頂法之稱。審問心見。揀辯圓通。宣勝義中。眞勝義性。是故於中。一爲無量。現寶刹於毫端。無量爲一轉法輪於塵裏。全彰頓悟。併銷權乘。發眞歸元。入如來藏。以至天魔外道。咸悟心宗。無量法門。一印印定。所謂是名無上寶印者。不虛語也。已而般刺蜜諦。持此印逾海越漠。彌伽釋迦用此印譯梵成華。相國房公秉筆授而潤其文。主法璿師立

科條而疏其義。自唐至宋。閱五百年。凡箋註解釋者。故不可勝數。皆此印之力也。今有閩僧咸輝上人。念佛祖之囑累。慨法道之陵夷。力於禪學之餘。綜集多書。圓成大部。且以楞嚴義海爲題。求檀鏤板。確志流通。實有助於王化。而補於宗教。以開悟後來。若非乘曩願力。安能及此。華嚴主山之神所得法門。名出現無邊大義海者。誠有在於是焉。比因姑蘇定慧長老顯公。特以此經遠來相示。余三復其文。究其深旨。隨喜贊揚。乃援筆樂與叙其大略。書以授之。偉乎義海。沖深法流。瀾漫事理。俱備性相。混融惟心法之大旨。盡於茲矣。後世讀是經者。能穎脫名相。旋復根塵。翛然游戲寶明空海。而直下取證。楞嚴圓照三昧。豈非悟自本心。而得此法印者。歟。豈皇宋乾

道八年十一月十五日。左太中大夫叅知政事魯郡開國侯食邑一千一百戶食實封二百戶。賜紫金魚袋。曾懷謹序。

義疏序

大佛頂密因了義首楞嚴經者。乃竺乾之洪範。法苑之寶典也。昔能仁以出震五天。獨尊三界假金輪而啓物。現玉毫而應世。觀四生之受苦也。惠濟庶物。愍群機之未悟也。力垂善誘。于是俯仰至理。述宣微言。闢大慈之門。廓真如之海。以爲一切諸法。唯依妄念而起。一切衆生。不出因緣而有。乃知生死輪轉。貪欲爲本。修證常樂。禪慧爲宗。則斯經也。可以辨識諸魔。破滅七趣。謂止及觀。修圓教妙明之心。發真歸元。證上乘至極之說。懿其般刺。譯其義。房相筆其文。今江吳釋璿師學識。兼

高辯才無礙。以是經典爲時教。於一代分妙理。於十門功濟大千。道傳不二。瞪目合手。以明妄毀相。泯心以會宗。信受則爲世津梁。開悟則入佛知見。乃顯經以作疏。因疏以明理。故可以開前疑。而決後滯。披迷雲而覩慧日。然後知色空無異。同歸實際。生佛靡殊。不離方寸。隨志在外。護慙無內學。因獲覽閱。輒述序引。歸依法寶。幸精究於真詮。讚揚佛乘。願普沾於聖果者。已大宋天聖八年青龍庚午孟冬二十一日辛丑。中散大夫守御史中丞充理。檢使權判吏部流內銓上護軍瑯琊郡開國侯食邑一千九百戶食實封二百戶。賜紫金魚袋王隨撰。

惟淨上王中丞書

譯經三藏朝散大夫試鴻臚卿光梵大師賜

紫惟淨謹上書于中丞閣下。近蒙新製首楞嚴經疏序。特賜寵示者。鴻儒大士。嘉讚寶乘。淺學緇流。叨窺法句。身心適悅。種智增明。頂

奉依歸。不任慶幸。竊以大佛頂如來密因修

證了義諸菩薩萬行首楞嚴經者。菩薩行門諸佛心印。開有爲即塵沙妙用。歸無相即法界真源。不有不空。絕名相於言筭之外。現因示果分階位於神化之中。境不礙心。惑不礙智。七大之性。大無所待。八還之法。還無所從。所以了真如心息虛妄。本起方便慧。宣秘密言萬法以之圓融。諸佛以之自在。入不二之二諦。悟不空之三空偉矣。真宗不可思議。聿有高士著述疏章。煥決秘詮。簡談佛旨。恭惟中丞入佛知見。解法因緣。學佛修行。祛拂有空之病。宣法性相融明起滅之端。爲護法城

作不請友。高製序引。恢闡教乘。永代作程長冥。示炬惟淨。夙承道顧。忝翫奇文。佩戴恩私。不任抃躍。不宜惟淨頓首。

標指序

長老月公向者。遊黃龍時。予爲西安令而走檄他郡。不及見也。近移掌郡庾。乃因其嗣延慶居晉者來。而寄予以書詢之云。月公居道濟庵。日與其徒論楞嚴要義。而參學應乾者。記而集之。因囑予爲之序焉。予以爲真無自性全物而彰。物無自體全具而現。故妙性無爲者。其光明受用歷然。素備非言迹之所測。而昧者迷方以徇物。則偏滯染縛之不窮。雖復以學解馳求而去。真愈背矣。夫學解於聲論起於本聞。聞明循聲。則能所茲建。而國土由之以生故。此經開示密路。使學者知根歸

元以消垢念。則六門真用本爾。圓成如木人。息機則諸幻皆滅。而月所在者。則於表亦亡。故茲論集。以標指爲目。斯盡之矣。若聞義者。超然證悟。與群聖交光其所密。非從外得。乃可知。月公未嘗言也。熙寧六年二月十五日。將仕郎祕書省著作郎。洪州監苗米倉。兼發遣綱運范岫序。

集解序

夫經者。傳道之器。復性之路。雖妙有之韞。固息於名言。而解脫之說。弗離於文字。因心以會道。見月而遺指。此聖者所以有作明者。所以能述微言之緒。豔豔不絕焉。大佛頂密因了義。首楞嚴經者。迦文轉物之機。慶喜開權之教。實第一之義諦。不二之法門也。原夫真心常住本體。無生三界。緣興始由於妄念。一

精體變遂汨於前塵。色相外冥心目。隨轉涅槃。迷而生死作菩提昧。而煩惱興流爲衆生。溺於濁劫。如來哀其然也。爲說斯經。近取諸身。誘致於性。除攀緣之妄。七處而推其心。破封執之迷。八還以研其蹟。以至飛光左。右寶手。開合顯真性。不動之妙。展觀智無涯之照。洞諸相之幻妄。識自心之廣大。則是經也。以三摩爲根力。以六入爲藏性。真如常徧。妙用在前。無法而弗圓。無入而非道。所謂證金剛三昧。超妙嚴之一門者。不其然乎。當是時。佛尚住世。人未去聖。室羅筏之會。千二百五十人。俱皆是大阿羅漢。妙堪遺囑。故佛與之說法。其言簡。其旨明。直破咎根。不存枝葉。而阿難訓詰。猶多悲淚。繫辭云。作易者其有憂患乎。乃知大權起教。不爲佛世。衆生正憂五濁。

末世耳。去聖既遠，遺文但存。外說實繁，上根蓋寡。非妙解之士，廣爲詮釋，則入神精義大懼。淪晦先是，唐神龍初，梵僧般刺蜜諦三藏，於廣州制止道場譯此經。適會宰相房融領南銓，於此爲之潤文筆。高語奇音，旨清暢冥契。佛志綽同神會。乃知大經因緣，豈偶然哉。宋長水大士子璿解行高妙，名稱普聞。特稟圓機，振發大教，爲之注解。王丞相冠其篇福。唐沙門可度亦復勝流。嘗箋了義夏英公序。其首吳興大士仁岳辯才無礙，多聞第一，道力全於正定，智性了於真空。棲神斯文，入佛正解，多歷年所。廣集言詮，有若孤山智圓、樵李洪敏、資中弘沈、真際崇節，興福惟慤，並邃乎此經。雅於言道，咸即法句，注其章旨。岳公懼諸家之文不表於後，即正經之說傳致其

下。仍以他著各以義解，獨於已說標爲私謂，總成十卷。題之曰首楞嚴經集解，莫不文義璀璨，華梵宣明。亦猶室中千燈，多光互入。堂下六樂正聲相通，鼓吹大經，藻火圖教。噫，佛滅後僅二千年，經初至于唐，又四百年，而教始興於宋。神僧大士精文密旨，續佛慧命，爲世導師。津梁未來，藥石病者，法施功德，豈有涯哉。後之濟彼岸，入法界者，當以此經爲舟楫，爲門戶。云時嘉祐己亥七月十一日翰林學士兼侍讀學士朝散大夫尚書左司郎中知制誥充史館修撰判館事兼判尚書禮部提舉在京諸司庫務上騎都尉安定郡開國侯食邑一千三百戶賜紫金魚袋胡宿撰。

首楞嚴經義海緣起序

若夫半滿偏圓之教，皆先大覺聖人被衆生

機器所宜。權實開遮耳。會其至要。問難致詰。對辨酬酢終始。研窮究竟發明乎。勝淨明心者。其惟大佛頂首楞嚴經歟。此經乃三世如來無見之頂法。亦是十方諸佛一門超出妙莊嚴路。欲脫生死超證聖位。最初方便。唯此門爲捷徑矣。予初學楞嚴。即依泐潭月禪師標指要義也。就而書之。且以弊文題其後。及得長水法師璿公義疏。遂宗師之。仍寄鄙辭託之卷末。則知月亦師長水也。其標指之作是本乎義。疏雖名題不同。而其語意實不可得而異也。但廣略爲小差耳。或者疑璿之文不行假月而後行。或謂月雖善標終借璿之所說更相矛盾互爲是非。以予攷諸年歲先後月旣得之。非不行也。標疏相資學者。遵之非不說也。明矣矧乎宗師立意。必有所據。豈

取次而爲之耶。然大率長水識量遠大自製義疏。以集名之。蓋是於中援引佛祖經論證其深義。以故不肯掩前人之善。此則善之至矣。泐潭宗眼明白見徹法源不務名相直爾擷掇樞要精義發明佛意。則意亦大焉。二者皆前輩禪講中珪璋小子。何敢輒議其優劣耶。今盡取乎義疏標指并科合經而集之。至於標指文句與義疏大同處。即色目焉。不重錄也。庶幾資此二說以輔翼性宗大教。使流通於無窮。不唯斷兩宗學者之疑。抑亦俾長水之壁缺而復全。泐潭之絃斷而復續。文雖重疊不妨義亦反顯。譬如精金百鍊而愈見精明。兼採吳興淨覺法師岳公所集諸家之解。用以叅之。貴得義天星象燦然。教海波瀾。浩爾其間。或各以智證遞遞銓衡者。亦是相

與抑揚聖教。洗蕩物情。若執文生解。則反墮疑網。昧於權宜。而失乎指歸之意。要須以理契會。同融通之可也。且夫一經而具多釋。非摩尼吐耀。衆珎自至乎政。所謂百川同會于海者。其在斯焉。故統名之曰楞嚴義海。亦欲後來學楞嚴者。便於觀覽。易爲和會。豈不至簡哉。何言其繁也。科行線路。疏標解等。並依元所安處。隨經文下入之於中。唯疏或本一段而標分三四疏本。三四而標通之者。此要知也。其他臨卷。自悉起盡之詳。茲不備言之耳。噫。楞嚴祕典。密因了義。情識不到。心緣莫及。況語言文字。而能造之耶。然善學楞嚴者。不住心相。不著文言。而自然得乎。無見頂法。不傳之妙。云爾時鉅宋乾道改元乙酉歲。福唐稟釋迦遺教比丘咸輝謹序。

首楞嚴經義海卷第一 經一

中天竺沙門般刺蜜諦譯經

烏長國沙門彌伽釋迦譯語

唐菩薩戒弟子前議大夫同書門下平章事清河房融筆授

唐羅浮沙門懷迪證譯

宋江吳長水沙門子璿集義疏注經并科

宋泐潭沙門曉月標指要義

宋吳興沙門仁岳集解

宋福唐沙門咸輝排經入注

稽首我大師 十方調御尊 佛頂首楞嚴

大覺如來藏 圓明諸聖眾 上首龍尊王

常闢大慈門 救攝眾生者 願垂加護我

顯說妙難思 普共諸含靈 速證真如海

將釋此經十門分別一教起因緣二藏乘分

攝三教義分齊四所被機宜五能詮體性六

所詮宗趣。七教迹前後。八傳譯時年。九通釋名題。十別解文義。初中二。一總。二別。總者請訓因。訓請顯理。度生一代教興皆由此矣。若原佛本意。唯為一大事因緣。欲令眾生開示悟入佛之知見。雖三車通許。唯賜白牛。但為一乘無三及二也。別者有十。故說此經。一為克示真三昧故。謂阿難遭難。蓋無真定。故請諸佛得成菩提。妙奢摩他。三摩禪那。最初方便。及佛告許云。有三摩提。名大佛頂首楞嚴。王具足萬行。十方如來一門。超出妙莊嚴路。至於再請。責已將謂惠我偈讚。希有等乃至如來諷歎。名金剛王如幻三昧。勅說圓通文殊揀顯。指三世佛同此一門。道場加行成就聖位。立此經名。破滅七趣。辨識諸魔。皆為此也。二為廣破諸妄執故。謂阿難執妄迷真。匿

王執常爲斷七處徵詰。三疑拒諍。佛再語云。若汝執悋分別覺觀。爲汝心等故。約心見二門。隨執廣破。此之執相。不離人法也。三爲開顯妙明心故。謂阿難初請三昧佛。先審問發心。旣陳愛見之源。全迷真實之體。遂云衆生無始生死相續。皆由不知常住真心。此真妙明。即是菩提涅槃。元清淨體。故阿難自責。不知寂常。如來許可。發妙明性。先就心見二門。乍徵乍顯。後約三科七大。分明顯會。令於法法咸見性常。俱徧俱融。含攝無礙。衆皆領悟。自知心徧十方。諸所有物。皆即菩提妙體。元明心徧含裹十虛身土。虛空了無所得。唯一本妙常住不滅。洎滿慈疑於有相。慶喜再責因緣。佛隨開示。令得知見矣。四爲決斷衆疑網故。謂佛顯示真見。阿難隨見疑生。或縮斷

離身因緣。自爾和合。非合執相。疑性諸大徧圓滅妄生妄成。真不真修。無常因獲常住果。疑網旣衆。佛隨斷之矣。五爲辨析修行門故。謂佛廣示藏體。慶喜深解。現前舉喻。天王賜與華屋。雖知所賜。將入無門。已悉多聞不逮修習故。請問云。從何攝伏。疇昔攀緣。入佛知見。佛舉二義。決定以爲發覺初心。謂止及觀斯爲要也。初令以湛旋妄成不生滅。次令審詳煩惱知根。降伏一根。旣返餘根。自旋諸妄銷亡。不真何待。六爲分別邪正行故。謂阿難已悟修行。後代罔知邪正。雖期正道。多陷邪宗。水灌漏卮。若爲取滿。慶喜請云。衆生去佛漸遠。邪師說法至多。欲令心入佛乘。遠魔無退。佛舉四種明誨。諸聖同途。戒根不虧。定慧可據。如其不切。清禁禪慧。洪深鬼屬。魔民斯

難。追免祈進却步。誠可悲夫。七爲顯咒功能。勝故。謂慶喜難在登伽。如來遣咒往救承力。雖至密言闕聞。況能潛護根門。防閑宿習。齋戒不稟。而自備。果證不遠。而可得消。難獲利自行化他。因人果人。靡不由此而辨其事也。八爲證入有階降故。謂理絕修證事存階漸。偏一則病空有圓通則融真俗故。不損寂滅而建立諸位。阿難知機爲請如來。就行開示。始從漸次。終乎極果。於無生忍中。立五十七位。不斷而斷。惑障必亡。非證而證。神用斯備。豈同魔外。都無位次耶。文云。是種種地。皆以金剛觀察。如幻十種深喻。奢摩他中。用諸如來。毗婆舍那。清淨修證。漸次深入耳。九爲廣示諸魔境故。修禪觀人。靡不有。初而鮮克有終者。蓋不諳其魔境妄生取著。不了唯心。遂

派諸道。佛慈無緣。不問自說。觀中破陰。每陰十種。五十境界。分析邪源。末代修禪。免爲所惑。十爲究盡妄想源故。謂五陰諸經。皆說未聞。五妄想成。今明破一陰時。出一妄想。破則從麤至細。起則自細現麤。其之根源。唯一識陰。識陰無體。但是圓常。文云。湛入合湛。歸識邊際。既知五陰。咸是妄想。五陰攝法。何所不該。論云。一切諸法。唯依妄念。而有差別。若離心念。則無一切境界之相也。由斯十意。而說此經。二藏乘分攝者。謂三藏之中。修多羅攝二藏之中。菩薩藏攝。若此攝彼。則兼該二三。持戒證果。有小乘故。徵難辨析。最明顯故。諸乘之中。一乘所攝。若此攝彼。亦該諸乘。十二分中。契經方廣。二分所攝。攝彼如前。三教義分齊者。依賢首大師二義分別。一約教詮法。

通局顯分齊。謂以義分教。教類有五。一小乘教。但說我空。縱少說法空。亦不明顯。但依六識三毒建立染淨根本。未盡法源。故多諍論。二大乘始教。亦名分教。但說諸法皆空。未盡大乘法理。故名爲始。但說一切法相。有不成佛。故名爲分。三大乘終教。亦名實教。說如來藏隨緣成阿梨耶識。緣起無性。一切皆如。定性二乘。無性闡提。悉當成佛。方盡大乘。至極之說。故名爲終。以稱實理。故名爲實。四大乘頓教。總不說法相。唯辨真性。亦無八識差別之相。呵教勸離。毀相泯心。但一念不生。即名爲佛。不依地位。漸次故說爲頓。五一乘圓教。所說唯是法界性海圓融。緣起無礙。相即相入。帝網重重。主伴無盡也。若於五中顯此經所詮。正唯終教。兼於頓圓。若將此經與五教

通局攝者。五唯後三攝此。此總攝彼諸教。二約法生起本末。顯分齊。依起信論明諸染法本末。五重論中。初唯一心爲本源。二依一心開二門。一心真如門。所謂心性不生不滅。二心生滅門。謂依如來藏。與生滅合。名阿梨耶識。三依此識明二義。一覺義。謂心體離念等。二不覺義。謂不如實知真如法。一不覺心動等。四依後義生三細。一依不覺故心動名業相。二依動故能見名轉相。三依見故境界妄現名現相。五依最後生六麤。一智相。依境界分別也。即法執。二相續相。依智起念不斷三執取相。起俱生四計名字相。我執分別五起業相。執俱生六業繫苦相。報也若以諸宗就此五重顯分齊者。謂人天唯齊業報。小乘齊後四麤。法相極於三細。終頓圓通。詮本末方窮。初一心源。

初一心源。即此經常住。真心性淨。明體經標。此心爲宗本故。一切因果。世界微塵。因心成故。二根本中說爲無始。菩提涅槃元明體故。

第一約見約心。或破或會。至於備歷三科七

大。感言妙真如性等。即心真如門。經喻瞪目合手。瞥見燈光。性明圓故。因明發性。識精元

明。性一切心等。即生滅門。第二滿慈致疑。佛

舉本覺明妙。性覺必明。妄爲明覺。覺非所明。

因明立所等。即本覺不覺也。了然自知。發真

歸元。覺迷迷滅等。即始覺也。第三三相四輪

晦昧爲空空。晦暗中。結暗爲色等。即三細第四

引起塵勞。煩惱聚緣。內搖趣外。奔逸業果。

衆生二種相續等。即後六麤。第五由是此經

具詮本末。學者備覽。足見幽深。四所被機。宜

者。依圓覺疏略有二種。初料揀。後普收。初謂

樂著名相以文爲解者。繫滯行位。高推聖境者。情尚於空觸。言實無者。自恃天真。輕歇進習者。固執先聞。擔麻棄金者。如上皆非其器。反上即皆是器。後普收一切衆生。皆有佛性。但得聞之。無不獲益。謂宿種深者悟入。淺者

信解都無。種者亦皆熏成圓頓種性。如華嚴

經食金剛喻。若約五性。正被菩薩性。及不定

性。兼爲餘性。作遠因緣。三聚之中。爲正定聚。

令增妙行。爲不定聚。令修信心。爲邪定人。作

遠因緣也。五能詮體性者。略作四門。一隨相

門。復二。一聲名。句文體。體用假實。二相資故。

二通攝所詮體。若不詮義。文非教故。二唯識

門前。二不離識所變故。然有本質影像之異。

三歸性門。此識無體。唯真如故。四無礙門。心

境理事交徹。相攝以一心法。有二門故。六所